



Darnach ist in Figuren vnd Schrifften klerlich angezeigt wie das hochwirdig heyltumb benannter aller heyligen Thurnkirchen sand Steffans in der Loblichen stat wien des Ertzhertzogtumbs Osterreich aus altem herkommen vnd Loblicher gewonhait alle Jar ierlich Sontags nach dem Ostertag gezeigt wirdet. Adit diser ermanung das ain yeder mensch auf sich selbs aufmerken habe. kein Ge-
drang Aufrur oder geschrei anfach. darmit niymand in seiner Andacht ge-
irret noch verhindert werde. Vnd die menschn diss hochwirdig heyltumb
mit seiner gezierde andechtiiglich vnd mit berewtem hertzen anschawen
Auch was ain yedes Stuck sey. vnd das Lobgesang so man darzwischen
volbringt. horen vnd bedencken vnd sich des grossen Anntlas tailhaftig
machen inoge. Nachmals all christenlich menschen ermonend got den
allmechtigen mit dyemutign hertzn anzerueffen vnd zupitten das er durch
sein gotliche genad all geprechligkait vnd Anhang der gemainen Christen-
hait barmhertziglich abwende. Den heyligen gelawben beschutz vnd
mit in abnehmung kommen las. Darnach vmb gotswillen fleissiglich
zupitten vmb all menschen Lebendig vnd tot die got dem almechlign der
Lobamen Jungkfrauen Maria vnd allen lieben heyligen zu Lob vnn-
ere. ir Rate hilff vnd Stewer zu gezier vnd merung des Loblichen heil-
tumbs geben haben vnd noch konftiglich gebn werden. Got der allme-
chtig welle den Lebentigen ain gluckseligs wesen hie auf erde. Vnd den
toten die ewig Rue vnd seligkait verleihen. Auch in sonderhait nach
ainem yeden vmbgang oder process pitt man mit namen vmb all Stifter
vnd Stifteryn des wirdigen Gotshaws vnd nemlich vmb all ander die
ir Hilff vnd Stewer zu disem heyltumb geraicht vnd geben haben. die
hierynn mit namen zubegreifen nit not sein.

Darnach volgn die acht procession oder
vmbgeng des heyltumbs mit Yren Fi-
guren vnd schickligkaiten in ainer ord-
nug nachainander. Ein yeklichs stuck
in sonderhait mit fleis abgunteruecht.